



NAHLA

CENTAR ZA EDUKACIJU I ISTRAŽIVANJE



Saying yes
requires courage.

Linda Tillman Lee

ELLIGENCE
CITY
ES
RSPECTIVES
ances
mpetencies
portunities
upport

Šta je Nahla

Nevladina, **neprofitna organizacija** koja **od 2000. godine** na lokalnom nivou realizira projekte i aktivnosti u oblasti **obrazovanja odraslih i društvenih istraživanja**, s posebnim fokusom na **osnaživanje svih generacija žena** kroz edukaciju, umrežavanje, savjetodavnu i poslovnu podršku, vjeru i duhovnost, unapređenje zdravlja te sport i rekreaciju.

Vizija

Obrazovana i osnažena žena koja mijenja svijet.

Misija

Osnaživanje žene **obrazovanjem** i kreiranjem poticajnog okruženja za **lični razvoj** i kompetentno **učešće** u društvenim procesima.



Nahla... u misiji otvaranja novih horizonata

Čini se da svijet u kojem danas živimo zanemaruje obične pojedince, njihove potrebe, traganja i napore. Poruke koje kruže oko nas najčešće govore o preprekama i poteškoćama, strahovima i neprijateljima... U takvom je okruženju neprocjenjivo kad imate **alternativnu paradigmu** koja vam može ponuditi **drugačiju perspektivu** stvarnosti. Od prvih dana Nahla je odlučno osvjetljavala put ka novim mogućnostima za našu zajednicu i osnaživala pojedince da teže ka najboljim mogućim verzijama sebe. Tinejdžeri, odrasli, starije osobe, u Nahli svako može potražiti inspiraciju za širenje horizonata u svom životu.

Predanost nastojanju da promijene *status quo* i tragaju za novim mogućnostima Nahlu čine zvijezdom vodiljom koja svjedoči da prilike čekaju one koji imaju viziju boljeg svijeta.

*Amina Isanović Hadžiomerović,
članica Upravnog odbora*



Kako je sve počelo

Nahline početke, prve korake i akcije obilježila je **jednostavna želja** da sve oko nas bude bolje. **Za bolji svijet** bili smo spremni raditi neumorno, učiti stalno, nadoknaditi izgubljeno, dijeliti naučeno, nuditi šanse, koristiti prilike, suočiti se sa strahovima, razumjeti izazove, izaći iz zone komfora.

Obrazovati i osnažiti **ženu koja će mijenjati svijet nabolje** smatrali smo snažnim, plemenitim, smislenim i inspirirajućim ciljem vrijednim svakog truda.

Naučili smo prepoznati potrebe za promjenama u okruženju i s kojim znanjima i vještinama će žena biti nositeljica tih promjena.

Morali smo uspostaviti strukture i procese koji će biti održivi, mjerljivi, transparentni na način koji će nas najbrže i nasigurnije dovesti do cilja.

Postali smo dio brojnih procesa koji su obilježili poslijeratno i postkonfliktno društvo od vraćanja povjerenja, razbijanja predrasuda, izgradnje pravne države, smanjenja nepravde, gradnje mostova između grupa i pojedinaca.

Kao svoju misiju smo odabrali da osvijestimo i unaprijedimo resurse koje posjeduje žena, od unutarnje snage, fizičkog zdravlja, duhovnosti do društvenog kapaciteta i motivacije.

Za sve ovo morala je postojati **NAHLA!**

Mjesto susreta, prihvatanja, obrazovanja, osnaživanja, podrške, otvorenosti, različitosti, izvrsnosti i inspiracije!

Sehija Dedović, osnivačica i direktorka

GRADIMO
izvrsnost
inovativnost
zajetost

Humanisticki
A
A
L

BUILDING
excellence
changing SOCIETY
changing LIVES
changing PERSPECTIVE
INCREASING change
IMPROVING environment

Otvorenost - jer otvoreni um gradi otvoreni svijet

Iskrenost i otvorenost uvijek su temelj kvalitetnog dijaloga.

Gloria Jean Watkins

Za nas je otvorenost **poštovati** i uvažavati **različitost** i **slobodu izbora** svakog pojedinca/pojedinke i graditi kulturu prihvatanja različitosti. Otvaramo vrata i pružamo prilike, **na usluzi smo zajednici** i uvijek spremni sagledati drugačije percepcije i perspektive. Ponosni smo na bogatstvo dobnih, rodnih, jezičkih, vjerskih, svjetonazorskih, socijalnih i nacionalnih raznolikosti koje čine jedinstveni spektar naših članica i korisnica.

Nahli se uvijek rado vraćam i preporučujem je jer smatram izuzetno značajnim da u današnjem društvu postoji **mjesto** koje njeguje **prihvatanje i uvažavanje** različitosti i to ne samo kroz sadržaje na kojima se o tome priča, već i na djelu, kroz sve aktivnosti.

Selma, polaznica kursa fotografije, Sarajevo

Od prvog trenutka kad sam ušla u Nahlu osjećam da je to mjesto **gdje mogu biti ono što jesam** i da će me neko s druge strane **dočekati s osmijehom**.

Gordana, polaznica obuke za grafičko dizajniranje, Tuzla

Nerijetko sam bila diskriminisana na putu ka svojim ciljevima i to zbog nečega što nisam birala. Kao **žena s invaliditetom** uvijek sam željela biti samo **ravnopravna** članica društva. Željela sam **učiti**, raditi ono što volim, truditi se, biti primijećena i **osjećati se vrijednom**. Željela sam da mi neko stegne ruku i gleda me u oči dok mi priča. **Osoblje u Nahli** mi je sve to nesebično **pružilo**.

Senaida, mlada pjesnikinja i aktivistica, Gračanica



OTVORENOST

Biti uz druge kad nas trebaju da se na nas osline, da ih prihvatimo onakve kakvi jesu, bez potrebe da ih mijenjamo, i da ih podržimo kad odaberu da se mijenjaju, moguće je samo ako možemo biti otvoreni, ako ne dajemo sebi za pravo da prosuđujemo vrijednosti drugih osoba, niti da im sudimo, ako **ostavljamo slobodu izbora svakom ljudskom biću** i vlastitu odgovornost za ono što odaberu. Otvorenost koju Nahla njeguje još od svojih početaka daje mi snagu da ustrajem u onome što radim, slobodu da djelujem i **inspiraciju da se mijenjam**.

Azra Ibrahimović, psihologinja i mirovna aktivistica, uposlenica CEI Nahla




Edukacija - jer znanje je najbrži put do promjene

Edukacija je pasoš za budućnost jer sutrašnjica pripada onima koji se danas pripremaju za nju.

Malcolm X

Činjenje znanja dostupnim smatramo jednom od najvećih civilizacijskih vrijednosti i ključnih zadataka ljudskog postojanja. Želimo omogućiti da znanje stigne do onih kategorija kojima je često uskraćeno. Stoga kroz svoj rad posebnu pažnju posvećujemo **pružanju prilika** ženama svih dobi i iz raznovrsnih društvenih grupa da **steknu kompetencije** u skladu sa zahtjevima vremena, kako bi bile spremne mijenjati sebe i mijenjati svijet.



Nahla ima **nezamjenjivo mjesto** u edukaciji žena. **Rijetko** se nalazi, ako uopće i postoji, sličan centar koji pruža tako **sveobuhvatan** opseg različitih oblasti **obrazovanja**. Voljela bih da ovakvo nešto imamo u svakom gradu.

Hatidža, polaznica obuke za poslovnu administraciju, Sarajevo



Nahlaje jedan **vrhunski edukacijski centar** i lično sam oduševljena, prije svega **osobljem** koje je **predivno**. Jako mi je dragو što sam uz vašu pomoć na neki način pronašla sebe i shvatila šta zaista hoću i čime želim da se bavim u životu. **Hvala vam što postojite!**

Tanja, polaznica obuke za profesionalnu dadilju, Sarajevo



Nahla je svakodnevna motivacija za sve nas da istrajemo na svom putu da učimo, proučavamo i promišljamo i da stalno nastojimo **biti najbolja verzija samih sebe**, kako za sebe lično, tako i za sve druge oko nas, bez obzira na to kakve je boje njihova koža, odakle su ili koja je njihova vjeroispovijest.

Irma, polaznica Škole islama, Sarajevo



Duh nesobičnosti u dijeljenju znanja i vještina koji Nahla njeguje kroz sve sfere djelovanja čini je **ugodnim okruženjem** za učenje i druženje i sigurnom sredinom u kojoj žena može iskazati i unaprijediti svoje potencijale. To edukaciju u svim oblastima i pravcima čini mogućom i donosi radost i zadovoljstvo svim sudionicima u tom procesu.

**Belma Panjeta-Musić, pravnica
i društvena aktivistica,
uposlenica CEI Nahla**

NANKE ŽENA ZA TRŽIŠTE RAO:
A POSLOVNĄ SEKRETARKU

AHLA



GRADIMO

EZUTSTE

najbolje ORGAN

najbolji ŽIVOT

najboljje PERSO

PONEGAVAMO Internet

POČINJAMO Kognitivni

OTVARJAMO VREDNOST

PRIZNANO ZNAMENJE



Osnaživanje - jer žena nosi snagu promjene

Nema efikasnijeg alata za razvoj društva od osnaživanja žene.

Kofi Annan

Osnaživanje žene u svim značajnim aspektima njenog života Nahlino je dugoročno opredjeljenje i vrijednost koja prožima sve naše programe i aktivnosti. Želimo da **svaka žena** iz Nahle izađe **osnažena** i svjesna svoje vrijednosti i potencijala, **ohrabrena** da preuzme odgovornost i donosi pozitivne promjene u svom okruženju.



O S N A Ž I V A N J E

Zajednicu možemo osnažiti tek ako se **posvetimo svakome pojedinačno**, ljudski i predano, vjerujući u snagu koju posjeduje, a kojom će mijenjati sve oko sebe. To je zajednička misija koja me povezuje s Nahлом.

Amina Šljivo Bećić, edukatorica za rad s mladima, uposlenica CEI Nahla

Nahla mi je podigla samopouzdanje i učinila me odlučnijom. Gledajući sebe prije Nahle i sada, **zadovoljnija sam sobom** i hrabrija mijenjati sebe i svijet oko sebe, koliko sam u mogućnosti. Mislim da sam učinila pravu stvar u svom životu što sam postala dio Nahle.

Amina, članica Nahlinog kluba mladih, Bihać

Osjećam se spremno da se svakodnevno bavim ljudskim pravima, posebno kad je u pitanju sloboda vjere i uvjerenja i pravo da ne budemo diskriminirani po bilo kojem osnovu. Nahla mi je pružila priliku da se približim toj temi, umrežim s ljudima koji su eksperti, kao i ljudima koji svakodnevno bivaju diskriminirani zbog različitih stvari (na osnovu toga kako se oblače, kako se ponašaju, kako govore). Na fakultetu sam naučila teoriju, ali sam kroz ovaj aktivizam uspjela sagledati realne probleme kad je u pitanju islamofobija i upoznati metode kako se protiv nje boriti.

Aida, polaznica edukacije za mlade aktiviste za ljudska prava, Novi Pazar

Mi trebamo nadmašiti generacije koje su pasivne, bez stava i glasa - za bilo koga, u bilo čije ime jer šta su to ljudska prava, ako ne govorimo o ljudskom dostojanstvu? Grupe mladih aktivista koje Nahla educira moraju postojati da bi se objektivno i argumentovano zalagali za prava onih koji to ne mogu sami, a koji su ugnjetavani, diskriminirani ili su im prava ugrožena.

Berina, učesnica treninga za trenere u oblasti slobode vjere i uvjerenja i nediskriminacije, Sarajevo

Aktivnosti & programi



OBRAZOVANJE ODRASLIH

KURSEVI STRANIH JEZIKA

- Engleski
- Njemački
- Turski

IT KURSEVI

- MS Excel
- Adobe Photoshop
- Adobe Illustrator
- Database programming
- IT certificiranje

ŽIVOTNE VJEŠTINE

- Lični razvoj
- Komunikacijske vještine
- Roditeljstvo

POSLOVNA EDUKACIJA

- Menadžment
- Odnosi s klijentima
- Finansije i računovodstvo
- Upravljanje vremenom i projektima
- Prodajne vještine i marketing
- Socijalni mediji

OBUKE ZA ZAPOŠLJAVANJE

- Poslovna administracija
- Akademija ženskog poduzetništva

- Online marketing
- Grafičko dizajniranje
- QA testiranje
- Community/social media menadžment
- Profesionalna dadilja
- Catering majstorica
- Krojačica/šnajderica
- Gerontološka domaćica

KREATIVNE I UMJETNIČKE RADIONICE

- Fotografija
- Šivenje
- Slikanje (svila, staklo, folija)
- Kaligrafija
- Vez

EDUKACIJA O ZDRAVLJU I ISHRANI

- Tematski seminari o zdravlju žene
- Seminari o trudnoći, porodu i njezi bebe
- Seminari o pravilnoj ishrani

EDUKACIJA O VJERI I DUHOVNOSTI

- Škola islama
- Škola Kur'ana
- Tematski moduli
- Međureligijski seminari

DIJALOG U ZAJEDNICI

- Izgradnja mira
- Saradnja s vjerskim zajednicama
- Gradnja mostova između različitih društvenih grupa



DRUŠTVENA ISTRAŽIVANJA

ISTRAŽIVAČKI PROJEKTI

- Teorijska i empirijska istraživanja u oblastima:
 - Žena
 - Ženska prava
 - Društveno djelovanje i aktivizam
 - Religija i identitet

IZDAVAČKI PROJEKTI

- Istraživanja i studij
- Prijevodi
- Magistarski i doktorski radovi

REFERENTNA BIBLIOTEKA

- Reference o ženi
- Stručni časopisi i magazini
- Zbornici radova



KAMPANJE I DOGAĐAJI

- „Ekologizirajmo zajednicu!”
- „Osoba koju vrijedi upoznati!”
- Dan otvorenih vrata
- Promocije
- Izložbe
- Bazari
- 16 dana aktivizma



SAVJETOVANJE

PSIHOLOŠKO SAVJETOVALIŠTE

- Psihoterapija (individualna i grupna)
- Bračno savjetovanje
- Usluge logopeda

POSLOVNO SAVJETOVANJE

- Pasoš kompetencija
- Karijerno savjetovanje



POSLOVNA PODRŠKA

MENTORSKA PODRŠKA

- Mentoring program za žene
- Vođenje, motivacija, coaching

FINANSIJSKA PODRŠKA

- Fond za poslovnu podršku (beskamatne pozajmice za poduzetnice)
- Nagradni grantovi za poduzetnice

ZAJEDNICA I UMREŽAVANJE

- Nahlina poslovna zajednica
- Partnerstva s društveno odgovornim kompanijama
- Konferencije i sajmovi

POSREDOVANJE U ZAPOŠLJAVANJU

- Povezivanje s potencijalnim poslodavcima
- Prakse i volonterski angažmani
- Zapošljavanje u stalni radni odnos



OSNAŽIVANJE MLADIH

TEEN CLUB

- Za djevojke uzrasta 14-18
- Iskustvene radionice
- Učenje novih vještina
- Suočavanje s izazovima tinejdžerskog doba

KLUB MLADIH „TIGNUM“

- Platforma za aktivizam mladih
- Za društveno aktivne djevojke u dobi 18-30 g.
- Nahline stipendije za najbolje polaznice
- Početna i napredna grupa

EDUKACIJA MLADIH AKTIVISTA/ICA

- Posebni trening programi
- Osnaživanje studenata/ica društvenih nauka u oblasti ljudskih prava
- Radionice i praktičan rad



USLUGE

BIBLIOTEKA I ČITAONICA

- Preko 3.300 naslova
- Besplatna za članice Centra

IGRAONICA ZA DJECU

- Stalni stručni nadzor
- Program za predškolce
- Klub knjige
- Kreativne radionice

KAFETERIJA

- Ugodan ambijent
- Susreti i druženja

FITNESS CENTER

- Fitness
- Aerobik
- Aeromix
- Zumba
- Pilates
- Boot Camp

TREKKING KLUB

- Zdrav životni stil za cijelu porodicu
- Jačanje veza s prirodom
- Proljetne, ljetne i jesenje trekking ture



Podrška – jer čini razliku

Niko ko olakšava teret drugome nije beskoristan na ovome svijetu.

Charles Dickens

Podržavati ženu na putu samoostvarenja i **dati joj krila** u trenucima kad se ne usuđuje napraviti iskorak zadatak je na kojem svakodnevno i neumorno radimo. Pomažemo ženi u ostvarivanju njenih ljudskih prava i dobijanju jednakih šansi u društvu. **Podržavamo porodicu** i promoviramo njene vrijednosti u duhu izgradnje partnerskih odnosa i međusobnog uvažavanja.

Da nije bilo Nahle ja bih još maštala. Nahla mi je pomogla da svoje strahove gledam kao izazove. **Dobila sam podršku** zahvaljujući kojoj sam shvatila da ja kao majka i žena mogu da ostvarim svoje snove. Kroz edukaciju, podršku, motivaciju i stručnu pomoć **Nahla mi je pomogla da živim svoj san.**

Silvija, poduzetnica, Sarajevo

Nahli će se uvijek vraćati jer tamo, osim obrazovanja, dobivam i nešto mnogo vrijednije – **vidim sebe u pravom svjetlu.** Rastem.

Lidija, poduzetnica, Sarajevo

Nahla je mjesto gdje sam dobila psihološku podršku u jednom teškom životnom razdoblju kroz koje sam prolazila i ne samo podršku, nego i **toplu riječ i smjernice** kako mogu sebi pomoći i nastaviti kvalitetno živjeti. Uz pomoć psihologa preradila sam svoje traume, osposobila se za novo zanimanje i u konačnici promijenila posao koji nisam voljela raditi. I sada, dvije godine od mog prvog susreta s Nahlom, mogu reći da je **moj život značajno drugačiji.**

M.Š., klijentica Psihološkog savjetovališta



Saradnja – jer zajedno postižemo više

Jedina stvar koja može spasiti čovječanstvo je saradnja.

Bertrand Russell

Zagovaramo saradnju i dijalog u svim aspektima svog djelovanja. Vjerujemo da je **aktivna razmjena ideja i znanja** garancija za ravnomjeran i **uravnotežen razvoj društva**. Posvećeni smo izgradnji partnerskih odnosa s različitim akterima u društvu, nastojeći uvijek služiti kao most za povezivanje i približavanje stavova o značajnim pitanjima.



S A R A D N J A

Tokom svih ovih godina naše prisutnosti u BiH **prepoznali smo Nahlu kao ozbiljnog partnera** koji svojom profesionalnošću, trudom i ozbiljnošću u radu može ostvariti ciljeve koje smo postavili. A jedan od ciljeva naše organizacije, još od samog početka, bio je podrška Bosni i Hercegovini na putu razvoja i izgradnje stabilnog društva, s posebnim osvrtom na pomoći ženama.

Raduje nas činjenica da su upravo **žene u Nahli** te koje **imaju inicijativu za promjene** i napredak, koje čine važnu kariku u nauci i obrazovanju i koje do **velikih rezultata** dolaze na jedan kreativan i sofisticiran način.

Omar el-Kenderi, Rahma International, Kuvajt

Nahlini programi, projekti i aktivnosti polučuju **veoma pozitivne rezultate u zajednici** u svim oblastima društvenog života. Ponosan sam što je Nahla partner Općine Novi Grad Sarajevo i što sam imao priliku lično saradivati s ovom značajnom organizacijom.

Esad Baždar, Općina Novi Grad Sarajevo

Stalnom saradnjom i dijalogom sa svim društvenim partnerima Nahla je pokazala da dobro zna kuda ide te da se uzajamnim **povjerenjem i odgovornim radom** grade **produktivni društveni projekti**. U vremenu kad se čini da u našem društvu sve pada - Nahla prkosí zakonima gravitacije.

DDDermana Šeta, OSCE/ODIHR

Niko ko je posjetio Nahlu, od brojnih grupa i pojedinaca iz regiona i svijeta, do renomiranih članova akademске zajednice i istraživača/istraživačica, **nije ostao ravnodušan na rezultate** koje je postigla. Država koja ima ovakve žene ne treba se bojati za svoju budućnost.

Ahmet Alibašić, Centar za napredne studije



S A R A D N J A

Nahla se prethodnih godina razvila u **prepoznatljivog ponudača programa** iz oblasti obrazovanja odraslih, koja ulaže napore u usavršavanje vlastitog kadra s ciljem razvoja kvalitetnih obuka za svoje polaznice. Kao donator i često supervizor Nahlinih obuka, posebno želim istaći njihov **individualni pristup svakoj polaznici** u svrhu njenog ohrabrenja, motivacije i uključivanja u društvene procese.

Emir Avdagić, direktor DVV International-Ured za BiH

“

Prvi korak saradnje s Nahlom bila je naša podrška kampanji „1000 članica zajedno za jedno dobro djelo“. **Grad Bihać prepoznao je plemenitu namjeru** i zaista sa zadovoljstvom podržao ovu inicijativu, što je u konačnici rezultiralo uspjehom. Saradnja se nastavila i kroz našu podršku Nahlinom projektu namijenjenom nezaposlenim ženama, u cilju osnaživanja i kreiranja novih prilika za žene. Vjerujemo da ćemo i u budućnosti **nastaviti zajedno raditi** dobre stvari i doprinositi našoj lokalnoj zajednici.

Šuhret Fazlić, gradonačelnik Bihaća

—

Centar za edukaciju i istraživanje “Nahla“ je organizacija koja radi na ponos svih nas u civilnom društvu, **potiče izvrsnost**, kako unutar svoje organizacije, tako i u radu s drugima, ohrabrujući nas da budemo bolji, odlučniji i kvalitetniji u svom radu, **inspirirajući, osnažujući, razumijevajući potrebe** i radeći u skladu s njima. Kroz partnerski rad u kreativni proces rješavanja ključnih društvenih problema uključuje i druge organizacije, uvijek strpljivo, prilagodljivo i dosljedno, **s fokusom na socijalnoj pravdi**. Rezultati rada Nahle su jasni, vidljivi, opipljivi i radujemo se njihovim budućim aktivnostima, inovacijama koje će biti vodilja i u radu drugih organizacija.

Goran Bubalo, Mreža za izgradnju mira

”



Izvrsnost – jer možda nećemo imati drugu priliku

Postajemo ono što neprestano ponavljamo, pa stoga izvrsnost nije čin, već navika.


Aristotel

Za nas je izvrsnost naše **stalno nastojanje da budemo bolji** u onom što radimo i zadovoljimo visoka očekivanja svojih korisnica, partnera i zajednice u cjelini kroz odgovornost, posvećenost, profesionalnost i uspostavljanje najboljih praksi u oblastima u kojima djelujemo.

NAHLA
CERTIFIKAT
Korisnik je postao član na
Lejla Fazlić

Organizacioni i
tehnologički razvoj

Organizacioni i
tehnologički razvoj



rograma

dobilo psihološku
vjetovalištu

Nahla u brojkama 2000-2020

Preko 70 partnerskih organizacija i
institucija

Preko 900 mladih osoba osnaženo za
društveni aktivizam

ručnika

Inspiracija – jer dobro vrijedi širiti

Ono najbolje i najljepše ne može se vidjeti, pa čak ni dotaknuti. To se mora osjetiti srcem.

Helen Keller

Želimo **ohrabriti žene na aktivno učešće u društvenim promjenama**. Stoga u svojim edukacijskim centrima u tri bh. grada kreiramo poticajno okruženje koje inspirira ženu da **razmjenjuje iskustva**, sagledava nove perspektive i koristi vlastite potencijale kako bi u sebi pronašla motivaciju da **mijenja svoje okruženje** i unosi radost življenja u svoju svakodnevnicu.



Želim živjeti u **svijetu u kojem svako** nastoji svojim primjerom **inspirisati druge**. Svoja vrata držim širom otvorena, kao i svoj um. U Nahli sam pronašla okruženje sa sličnom vizijom, koje me neprestano iznova podstiče na pomjeranje granica i na nove iskorake.

Meliha Rifatbegović-Haskić, dizajnerica

Biti u Nahli znači biti dio svijeta gdje vaša mašta, kreativnost i sloboda dolaze do izražaja.

Nahlaje prava inspiracija. Tu možete biti ono što jeste, osjećati se kao da pripadate jednoj velikoj obitelji, a istovremeno učiti mnoge korisne stvari i sklapati nova prijateljstva.

Nataša, polaznica kursa dekupaža, Bihać

Koliko god mi je važno kroz naš rad i programe pružiti inspiraciju ženama Tuzle, jednako mi je dragosrđivo osjetiti kako sreća i zadovoljstvo tih žena inspiriše nas da se trudimo i svaki put **pružimo našoj zajednici vrijednost više**.

Jasmina Gobeljić-Dedić, projekt menadžerica EC Nahla Tuzla

Poput pčele koja svojom marljivošću skuplja nektar iz cvijeća i kao krajnji proizvod daje ukusni med koji je lijek ljudima i **Nahla**, kao i ime koje nosi, svojim radom **postaje inspiracija svakoj polaznici** da izvlači ono najbolje iz sebe.

Aldina, polaznica kursa kaligrafije, Tuzla

SINGER

NAHLA

9

zigzag
straight
overlock
etc.



Centar za edukaciju i istraživanje “Nahla”

Adresa: Džemala Bijedića 122,

71000 Sarajevo

Telefon: +387 33 710-650

Fax: +387 33 641-664

Web: www.nahla.ba

E-mail: info@nahla.ba

Centar za edukaciju i istraživanje “Nahla”,

Podružnica Bihać

Adresa: Bosanskih šehida bb, II lijevi prilaz,

77000 Bihać

Telefon: +387 37 352-200

Web: www.bihac.nahla.ba

E-mail: info@bihac.nahla.ba

Edukacijski centar “Nahla” - Tuzla,

Adresa: Mitra Trifunovića Uče bb,
75 000 Tuzla ,

Telefon: +387 35 205-699

Fax: +387 35 205-699

Web: www.tuzla.nahla.ba

E-mail: info@tuzla.nahla.ba